

docriver 文川网
古籍书城
入驻商家
在文川网搜索古籍书城 获取更多电子书

中國方志叢書·華中地方·第三八三號


據 民國·湯化培修，李鼎禧纂
民國十七年石印本

影印

四川省

長壽縣志

(一)



430/01

成文出版社有限公司印行



10101445

中國方志叢書·華中地方·第三八三號

據

民國·湯化培修，李鼎禧纂
民國十七年石印本


影印

四川省

長壽縣志

(二)

5430/101



成文出版社有限公司印行



10101446

中國方志叢書·華中地方·第三八三號

據

民國·湯化培修，李鼎禧纂
民國十七年石印本

影印

四川省

長壽縣志

(三)

成文出版社有限公司印行

sk30/01



10101447

docsriver 文川网
入驻商家 古籍书城

在文川网搜索古籍书城 获取更多电子书

中華民國六十五年 月臺一版

長壽縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

長壽縣志

重修長壽縣志總序

昔司馬子長繼春秋作史記敘帝王之事則有本紀錄賢臣之行則有列傳明制度則有八書系年世則有諸表自五帝以迄孝武歲月久遠事類綦繁纂輯成編珠聯玉貫其才其志足以包舉鉅細不爽纖毫而條理秩然無踵複散漫之嫌流綴驕駁之病後世史家奉為主集宜矣夫撰著國史貴有體要即志一縣亦莫不然以縣志固一縣之史也長壽縣志失修者垂六十年中經反正文獻蕩然故家喬木無可徵詢倉廩試場半成瓦礫士民之所聚族神社之所躋芋觚園蔬圃竟為戎馬之場雉

堞麗譙不復風雨之蔽而人事滄桑漫無友紀軍旅胡越日肆
憑陵民之宛轉呼號而莫之救者目擊同悲焉更何有於徵文
考獻陳詩觀風乎加之者苟淪亡新潮全涸咫尺聞之士動肆糾
彈舉凡曩昔之所褒揚而矜武者未不土苴而糞壤矣至若先
王禮教已成風習前聖典籍相與絃誦者馴且弁髦同科高閣
束之矣五紘陵夷斯文墜地此志士之所拊膺而長太息者也
鼎彝不佞謬承重役纂輯邑乘義無可逃竊本會稽章氏方志
寬於史傳之旨蒐討不厭求詳文義不尚高簡體例悉從通式
但於前志太媮者增益之繼起者著錄之稍蕪者芟薙之又前

清末葉各縣有鄉土志之修葺其主旨在採綴軼聞興起愛國
故山川陳迹例所不重先正藝文亦所不登詳畧殊途鯨簡異
趣以當方志容有未周故鼎禧料量幅度稽檢篇目頗厯星霜
甫經脫手始定凡例亦復有所張弛且事出一手固無道謀之
虞而責在匹夫豈免絕贖之慮兼之侈口者易為言旁觀者輕
其事以謂咄嗟可以立辦公帑不須多籌甚有疑粗識文字可
以成功滿目瘡痍無煩紀載者是皆以蠡測海因噎廢食之見
也鼎禧賀然從事窒漏實多際茲民生彫敝之餘乃為虛糜廩
粟之計知我罪我所不辭已

民國十七年三月邑人李鼎禧序於長壽縣前鳳山書院

長壽縣志原序

長邑志宜續修也久矣遭明季之亂燬於火板籍蕩然無存至
清朝世祖章皇帝恭承天命經綸四海景運聿新遞及聖祖仁
皇帝握鏡臨宸黜武功崇文教勅徵天下郡縣志乘以備籍軒
之採邑李廉王鹿田李傳一先生應詔纂輯其時老成凋謝考
核無徵祇於風雨銷磨之餘搜羅斷簡殘編竭力考訂并就耳
所聞目所見者編次成書規模粗具嗣蓉湖薛公蒞任斯土復
與邑人士加意校讐更訂考正付諸梨棗一切山川疆域物產
田賦人物古蹟沿革建置分野開方與夫衣冠文物之倫井然

可觀時康熙五十三年事也厥後迭經兵燹士民困苦修志之事未遑計及道光二十三年渝州重修郡志邑貢生余洋將邑志編輯彙付郡採以校核無人協修鮮助潦草成帙二十四年邑士李雲喬戴幼泉任香涓續加彙纂又以經費無措未歸完備同治甲戌冬余奉檄來長披閱舊志見夫職官政蹟選舉科名封蔭薦辟以及歷年殉難殉節忠臣義士孝子烈婦貞女與夫營伍增損學額加廣暨人物之可傳藝文之特著者類皆缺然未經記載已歷百有餘年有心人感慨繫之矣今幸邊氛淨靖民氣咸和恭逢聖朝宏開史館詔誥天下郡縣修葺志乘彙

咨採擇以廣皇圖而彰文獻余沾沾喜以為邑志之成其在斯
乎於是約集羣賢商榷等辨并囑分襄其事眾皆允悅乃推余
以纂修之任余粵嶠寒儒才識謏陋原不敢採此筆削惟謬承
推許勢難固辭爰於案牘之暇日與同事諸公用意搜羅條分
縷晰參互考訂付諸剞劂三閱月告竣於戲考遺蹟於前代舊
章可率不難據事直書獨至年來之增添近日之踵興者日新
月異事蹟紛繁耳目難周兢兢然恐有遺漏然亦祇就見聞所
及者為之補訂以告厥成功已耳後之君子披覽是書果有所
見猶當訂訛正謬留意續修焉可也是為序

光緒元年孟冬月下浣賜進士出身署理長壽縣事即用知縣
文山張永熙謹識於鳳山官廨

長壽縣志原序

長邑濱江為治當全蜀東南之孔道自甲申之後受兵燹者較僻邑為更甚人民流離幾四十年其文獻之缺無怪也今上御極之二十四年聲教暨訖海隅日出罔不率俾初徵天下郡縣志乘以備輶軒之採邑明孝廉王鹿田李傳一先生應詔纂輯兩先生簪纓累世學有淵源且年俱杖國閱歷久而更事多據其所目覩耳聞者編次成帙旬日告竣雖文獻散失之餘所存者僅為千百之什一要不可謂非後人之指南也辛卯夏余視事長邑披閱志乘見其山川土田人民戶口與夫衣冠文物之


倫亦井然可觀惜纂輯之時戒期迫促凡人物古蹟沿革建置分野開方之類猶有未詳者邑紳士欲余校正之以付剞劂余謝以才識謏陋方束縛於吏事之不暇又何能從事鉛槧以繼前賢後哉邑紳士曰否凡一邑中因革損益闡微表幽使政事之釐然具舉者司民牧者責也用此筆之於書存掌故示昭鑒以今日之釐然者使後日之瞭然獨非司民牧者責乎余應之曰唯歲在甲午有渝州劉君康成者博雅士也為余壬午同年友設帳於長日以詩文相往復因舉邑之舊志與為搜羅考訂凡人物古蹟建置沿革分野之屬按之於書有信而可徵者則

採輯之田疇戶口衣冠文物之倫為年來增添與近日之踵興者則訂補之凡三閱月而告竣更與邑紳士重加商榷捐俸錫梓以慰邑紳士之願焉然余豈敢當校讐之任以繼前賢後哉亦誠歛前賢之烈不至泯滅故也至耳目未逮之處則為疑殆之闕如其後考據點定踵事增華尚俟諸博物君子云

康熙五十三年歲次甲午孟秋月荅湖薛祿天題於樂溫官署

docsriver 文川网
入驻商家 古籍书城

在文川网搜索古籍书城 获取更多电子书



長壽縣志

舊志凡例六條

一長壽自宋熙甯迄元併歸涪州故人物多載涪陵古志今考名儒如譙定晏淵賈長卿輩所居屬境內者方為編入非因小邑荒陋借材於楚也

一志中凡纂錄必注云見某書懼杜撰也

一國號官爵甲子之類無可考者甯缺之余心至慎焉

一邑中世家大族多從滇黔避亂歸故家乘年譜蕩然無存至有子孫不能名其祖父者甚可慨也志中凡科第等項

悉因舊志纂錄其中或有緣飾夫真先後失序者固無從
考核然亦不任咎也

一邑因亂播遷前賢著作大半灰燼凡邑人詩文雖不關邑
事者亦必登載從程篁墩新安文獻志例也

一邑經甲申之變文獻無徵邑乘難於創始先獲明孝廉王
季二先生所纂舊志於主員季世奇家具中門戶未分租
具梗概而已後得渝中年友劉君康成設帳於長共為搜
羅考証援據甚多是書之成余與劉君有將伯之助焉不

敢專美也

祿天識

續增凡例六條

- 一舊志未明綱目似無統紀今為綱二目十與地綱中建置山川田賦學校祠祀繫之人物綱中職官先哲選舉列女藝文繫之各條細目分綴十目下庶表領之可繫
- 一舊志已詳者悉從原本不敢擅有增減洛遵文獻也
- 一舊志有謬誤者復加更正亦考據徵實之意前賢當不余咎也

一人物志中事實藝文凡現在者概不收入以杜請託瞻徇

之弊從全蜀藝文志例也

一舊志距今百六十年未繼續修上年府志採補人物今訪聞事實稍有異同悉存之若余所登則如韓公淶琴李公魯生二人大節凜然據實彙傳其餘不遽登載

一志中割股諸條於全受全歸之道實有未合故不載旌表之例但舊志已錄未便輕刪觀者慎勿視為可法可傳致啟戕生之弊

永熙識

重修比例八條

一前修縣志責在有司微特案牘填委勢所不逮即有心及此亦第出於好名空署頭銜無關手澤識者病之茲以總纂負責義不苟阿既無所用其推美知縣者亦第處於監督地位况距時久遠歷官多人除原主聘及現任者例得書名其一歲數易視志局若無物者概付缺如懼近諛也

一地理物產沿襲舊志固多其推波討源詳及方里城市學校道路山川形勢脈絡遠近距離下至動植礦苗不厭繁複猥瑣悉據鄉土志為藍本懼沒前人之美也

一舊志職官一門於歷任官吏但有姓氏可稽不問賢否久

暫悉著錄之所以備考查重官守也民國反正仕途愈濫
出身益雜甚至防區制成三月五月視為傳舍營連書記
亦號軍官已載不勝載矣茲本鄉土志部頒條例祇錄循
良或有政蹟可傳者其餘缺焉意在使官斯土者知所勉
也

一地丁錢糧倉儲釐稅但出自民力胥闖要政反正以還百
弊叢興誅求至於無藝逐項清釐動成不測但非明白揭
載則腹削日深曷其有極一經據實臚陳又恐後來者援
為成案茲特披露其明文規定者以外苛細名目不備述

也

一軍旅橫行凡百建設俱歸敗壞蒿目者有荆棘銅駝之悲
焉丁戊之交尤極蹂躪追呼拷掠達於閭巷明季慘禍懸
茲眉睫故國文獻不絕如縷微文見意有餘哀已

一交通水利鑛產森林凡涉於新政者悉為古法之遺長邑
貧瘠之區但能逐漸以求自可徐收實效義取提倡不必
企以一蹴也

一節孝者壽前人所極重視者今已疑為不足旌揚也茲一
仍舊貫不取更張以守節一端為前聖禮教之遺亦夷夏

人禽之別必毀裂之殊無謂也

一從前扼於科舉才智之士大都以時藝試帖為桎梏終身之具若經史詞章考據諸學已屬百不獲一至於名山著述窮究天人發為文章可勒金石者更無聞焉若茲所載藝文時手酬應之作而已鴻篇鉅製俟諸異日

鼎禧識

長壽縣志原目

江左薛祿天二宜著

秦立郡縣犬牙相制廢興損益厥名則異聚美流惡其利十
世作沿革志

羲和制歷以齊七政垂象九州分野乃定天道人時以順為
正作星野志

宅中建極萬國來同鱉叢魚鳧隆古已通彈丸下邑聲教從
風作疆域志

益稱天府矧此一隅危巒絕澗秀挺回紆搜奇撮勝莫盛於

斯作形勝志

城以高勝池以深強雖有智勇不廢金湯得人和者其利無疆作城池志

細旃廣廈巖邑所難土階桑戶爰處而安緬維締造民力亦殫作公署志

五里一堠十里一置羽檄軍符咄嗟而至射鳥上壽古為盛事作鋪遞志

質遷化居約期為市虛往實歸拉雜笑語無詐無爭民胥樂只作市鎮志

幽溪曲澗深淺靡常吁嗟延佇問渡褰裳長虹偃波步若康
莊作津梁志

轟轟者峰湯湯者波下視巫夔仰攀岷峨鍾為奇士磊砢英
多作山川志

歲華紀麗蜀國所稱風行自上習俗移人遨頭半臂責在措
紳作風俗志

記誰方物沈立宋祁厥贊更佳卓矣難追不竇異物吾以為
師作物產志

峴首何名名以叔子商顏何傳傳以綺里山耶水耶厥惟人

docsriver 文川网
入驻商家 古籍书城

在文川网搜索古籍书城 获取更多电子书

耳作古蹟志

牛眠馬鬣於彼高原爾公爾王厥碑尚存克繩祖武在其子
孫作塋墓志

任土作貢惟正乃登勢與時異法不盡仍上中下錯輕重異
徵作田賦志

先王建學以造羣英詩書羽籥匪徒以名正誼明道君子攸
稱作學校志

有功於名祀典斯載碧瓦朱甍松檜暖曖時和年豐萬世永
賴作祠祀志

三車五禽門戶迥異大慈悲同前民覺世蓮舍珠宮無乃遊
戲作寺觀志

分州置邑貴在得人循良貪墨直道在民召父杜母是乃純
臣作秩官志

名賢碩德一鄉之師沒而祀社俎豆攸宜生斯地者胡不勉
之作鄉賢志

維忠與孝國家禎祥如衣之領如網之綱二者備矣何用不
臧作忠孝志

惠澤在人難忘遺愛墮淚名碑甘棠如翹不分今古蒸嘗永